

四庫全書

集部

欽定四庫全書

滄洲塵缶編卷十

宋程公許撰

七言律詩

溪亭春日二首

借屋三間俯近郊，溪流如練繞蘭皋。  
聊同彭澤歸栽菊，肯向玄都問種桃。  
別久心情渾漫浪，相看鬚髮轉蕭騷。  
只因舊學荒尤甚，政藉談餘為櫛薶。

極目青天蜀道難，無因長坂得聯驂。  
思鄉浪費腸回九

行世何妨臂折三楊柳風微生百媚棠梨晝永帶餘酣  
天涯猶賴春娛客那得鄰山寄一菴

丙子寅月九日五鼓夢餘憶舊作因用韻

業識縈牽豈自由幸逢此劫在儒流昏昏心似未磨鏡  
役役身如不纜舟聞道無緣時已晚養生欠術鬢先秋  
向平可謂真男子家事無關五嶽遊

立秋後三日得二侄并侄孫家書

萬里書來印籀紅慰情何但萬金同懸絲性命幸存活

掃地生涯甘阨窮老去憂心長似醉秋來衰鬢亂飛蓬  
故園未有西歸日且願平安信數通

施明可自湘潭還雪川以詩編相示摘其中重  
陽一篇次韻題似明可

勸游何似雁隨陽愁緒知添幾線長歸路驛梅多未破  
吟邊汀芷藹餘香寄聲鷗鷺舊同社可奈鷺鳧紛着行  
乞與東風一吹送偃松猶及共流觴

重陽即事

爛漫三年藥市遊  
飢驅忽到字江頭  
淒涼風色欄干暮  
靄靄晴雲穉柳秋  
紅葉不知人恨遠  
黃花慣與客供愁  
諸君正爾癡官事  
誰共高吟百尺樓

題秋芳菊蝶圖

故山歲歲霜秋杪  
手折黃花岸接離  
粉蝶笑窺人老大  
玉蛆撩動句新奇  
雨荒靖節醉吟處  
風亂韓憑飛舞時  
卧展新圖續歸夢  
晚香有味我同誰

子思賦中秋翫月詞借韻作詩

山路相呼游冶盤何妨月下更追歡情知一夕秋無價  
看徹三更酒未闌衰鬢侵愁羞自照回腸索句大應難  
可能散髮扁舟去一到垂虹亭上看

以梨橙寄景韓景韓有詩來謝因和韻奉答

離腸不耐食張梨併裹橙金遣使齋薄饋羞同園吏菜  
好詞空費外孫虀含消漢苑夢頻渴霜落洞庭書續題  
莫遣楚嬌多勸飲怨歌難解太常妻

和洪司令春日客懷二首

寂寂春愁何許來，詩翁得句凌歐梅。  
一百五日火將換，二十四風花遞開。  
玉壘新詩未題遍，鏡山歸夢寧須催。  
人生田舍差足樂，我亦欲尋檀木栽。

好風排闥錦囊來，咀味真如渴望梅。  
櫻筍算無多日事，棠梨約有幾分開。  
社醅熟倩提壺勸，春種忙應布穀催。  
早願時清歸亦好，小山幽桂賸須栽。

和可道約同館於都統衙

至理玄同孔老瞿，客塵覺似漸消除。  
一生嚼蠟有餘味，

兩載離家能幾書君已灰心參祖意我猶滯相問童初  
寶巖不作桑間戀榆館能來慰索居

謝檢閱牟存叟袖啟相訪

井絡西瞻劫火殘天涯執手語含酸鄉人為把子虛誦  
國典能推良吏難老我棲遲同燕雀送君翔翥上鴛鸞  
長風借與還鄉便猶喜白鷗盟未寒

為王山尹子渚賦潛齋末句寄聲葉新之

斯文宗緒自河南妙處元非故紙鑽萬里夢歸伊闕遠



一牕靜對玉峰攢林深霧豹南山隱海濶風鵬北溟搏  
刻楮自憐無一補寫心寄與故人看

彥尹姪追送至南江

猶子匆匆遽索違三甥小住未為非追隨寬作一程計  
摻執那知幾歲歸唳鶴警寒排字密浴鷗嬉暖着羣飛  
物情撩我離情黯射策催來覲日畿

送葉鎮之釋褐授信州推官歸台州

天涯一見便綢繆二十年間說兩優不以聲名誇衆雋

欲將文行輩前修  
懷章趨酌椒觴壽  
分幙還尋壁水游  
蜀客念歸歸路梗  
卜鄰儻許傍丹丘

別凌雲士友

三生緣法熟嘉州  
乘興俄成十月留  
山水縱觀方得趣  
交朋莫逆忽抽頭  
淋漓張飲梅花岸  
慘淡分攜杜若洲  
恨欠白崖陪杖屨  
春風和暖及同游

別謝德芳

艤棹江干得款留  
曾將避世與君謀  
誰知事變即勘定

金少曰入  
卷十  
端藉儒先寬顧憂分陝續書勞會計借籌偶暇語綢繆  
分攜竟作春風約梅驛瞻雲黯暮愁

別帥垣登舟沂江

暫來偶作兩旬留下榻慚非孺子儔西閣夜闌猶跋燭  
北岳晚霽趣歸舟高城回首烟波暝短棹支頤水國秋  
歲晚束書岷下去梁園空復羨枚鄒

和喬擇善別若水韻

尼嶺飈遊不可期寥空無路寄幽思階蘭競秀有誰省

貝錦傷讒徒爾為默坐勿書殷浩怪擬騷休作楚臣悲  
君看雪澗凌霄幹長有毵毵綠滿枝

沙津連日風雨阻行舟發即晴寄李成之

江陵五日惡風雨知我欲行舒小晴渺渺雲沙連恨遠  
冥冥烟樹喚愁生上牢下牢險入夢東瀼西瀼詩有聲  
同是天涯更分手銷魂風月與誰平

虛舟相逐至岳陽錄示舊日避風詩和韻紀事

繫船三日風當止雨欲逗晴雲亂飛沽酒店家都是薄

全  
卷十  
買蔬山市晚方歸客裝淹速信難料友社歡諧知可依  
喚起元真共心賞桃花流水鱖魚肥

得臺檄視堰至上皇設黃錄會親友自遠而至  
者孫承父表兄用晦弟彥威有年彥尹彥濟四  
姪勝父王甥虛中句甥司馬行父宗人季然共  
十七人次日首途久雨開霽

肅敞芝壇大面峰擬憑方寸遡璇穹夜牕滴盡三更雨  
曉霧吹開萬壑風孤鶴肯來隨伴去十龜相逐賞心同

未應佳氣高臺擅一覽西岷面勢雄

成都踰旬陰冷深冬時節借館超悟得子敬德  
夫二兄相晤語差慰寂寥

屯陰不動紫金盤三月淒風橫作寒待旦重衾纔得暖  
感時對酒祇長歎黑雲何日三舍避黃道中天萬目看  
不有對床清夜語客懷何以解憂端

送道傳姪補中國學二首

竹林挺挺固多賢子更姱修鼎盛年一縷千鈞扶世緒

三條八韻壓儒先辟雍振鷺翔而集幽谷鳴鶯自此遷  
可但積分縻好爵事須學識細磨研

冰霜一節感親恩褒詔東來耀里門孝敬自能通造物  
否臧勿用較煩言靈椿未老須三釜折桂歸來共一尊  
須信倚門朝夕望未容六館駐何蕃

余拉威濟取山路歸家用光獨沂江再和見貽  
仍同賦

冠藤衣葛自蕭閒品壑精神繪畫難着脚兔庭聊試險

同盟鷗社未應寒快晴  
山色凝朝采急雨江流吼夜灘  
近日詩情差覺勝  
賸加礮錯怕人看

遊中巖晴烟如春尤覺林壑之勝也

晴嵐煥翠中巖寺十二年間得再遊  
三筍龕深香不散  
萬松山擁霧難收  
鷲峰付囑雖常住  
雁蕩經行豈易求  
欲識老師真面目  
白雲深處澗泉流

陪尚書遊中巖夜大風雨尚書及任卿史石泉  
皆耆年德清諧季并余以晚輩侍



中天臺殿倚崚嶸，  
屢憶昨深登。六歲零霧鎖巖扉，  
須玉鑰。雲扶革履上青冥，  
三峰靜對厖眉秀。雙壁驚回醉眼醒，  
風雨三更龍象集。祖師意旨付誰聽。

泛舟登弁山祥應宮之絕頂望太湖窺黃龍洞  
過倪尚書雲巖

蘋浪蹴帆移別浦，  
筍輿邀我度遙岑。雲開震澤水銀溢，  
風掠洞庭螺翠深。神井千尋龍起蟄，  
幽巖四面石成林。

蘇仙詩句倪公賦

倪尚書有雲巖賦

萬古清風偕嗣音

道山諸丈置酒飲餞秀埜園以詩謝別

去國飄然一障乘都門祖帳集華簪  
黃梅未雨熱如沸  
白葛當風涼滿襟  
江國頗堪千里寄  
蓬山遙想五雲深  
論思禁闥須公等  
肯念交盟數寄音

遊道何二山晚飲倪氏玉湖

草草盤蔬一酒壺  
虎巖小憩轉金輿  
靜觀生物春風裏  
笑拂詩牌却火餘

余有舊題一詩  
牌火後尚存  
寺僧揭之  
雲峰閣

散策松陰寒

悄悄擷香梅  
逕雪踈踈歸航未  
迫西山暮碧浪  
湖邊看

網魚

馬當山

往事空聞傳記誇石磯依舊鎖晴霾  
定知貝闕通溟極誰着叢祠倚斷崖  
乞與一帆風借便應憐萬里客傷懷  
文章有體神知否霞鷺雖工語類俳

夜過馬當山

獨載詩書趁野航自憐漂泊度時光  
殘年準擬登牛首連夜匆忙過馬當  
古廟荒寒江浸影斷崖悽慘石凝霜

壯懷未分甘衰老回首長懷恨更長

廬山雪

倚天無數玉巉巖心覺廬山是雪山未暇雙林尋淨侶  
試招五老對蒼顏遠遊借問有何好勝賞何曾容暫閒  
却恨此生雲水脚誤隨人去踏塵寰

姑蘇臺

館娃陳迹久蓬蒿留得蘇臺數仞高隔水雲山青斷絕  
繞城溝蕩碧周遭遙憐讓國清風遠忍見連艘戰血鏖

滿目淒涼千古事長洲仍舊柳如縑

絕勝亭

入眼江郊杜集中勝游何必恨匆匆  
模糊樹木丹青古詰曲汀沙篆籀  
工昏曉之分含一氣乾坤底處是全功  
西南佳境冥搜遍總合亭前立下風

題江東陳氏江亭

漁艇閒撐過水東亂雲含雨晚溟濛  
絕憐郊野依林壑更拓軒牕貯竹風  
剽與烟波開靄杳却須菑翳略踈通

閒居可忍虛吟嘯載酒來時社友同

題巴東縣秋風亭

萬山寂寂巴東縣千古堂堂寇長官野水可無詩問訊  
秋風長對淚汎瀾著樓無地儘渠說折筭立功非我難  
君看公安一梢竹向來許國寸心丹

同楊景韓飲虞獻子江亭用壁間文與可韻

晴灘屬玉翫烟霏照眼琅玕碧四圍堂蔭白茅娛子美  
江吟淨練憶元暉誰家鼓吹觀遊去何處琴箏罷釣歸

尚想江南圖畫裏風帆夜落道人磯

自七曲祠下乘馬至上亭二首

征鞍不怕朔風顛攬盡魚鳧氣脉全秦嶺劔攢青不斷  
潼江帶小碧相連五雲樓殿元皇宅一柱西南半壁天  
分職幽明兩無愧玉關快馬洗風烟

仗衛森嚴九虎關從前錯為敵人寬那知黃竹瑤池夢  
歷盡青天蜀道難回首烟塵三輔隔驚心風雨五更寒  
淋鈴一曲上亭驛好並千秋金鏡看

宿驛亭和前韻末句屬可道

千里因人作遠遊一番風景釀清秋眼明驚羽新碣岸  
心折狼烟舊戍樓山驛解鞍才晚霽夜床驚雨滾溪流  
壁間唐律須揚榷却恨宗風隔果州

遊玉林午飯九曲池觀偃松過法華院至上方  
觀東坡題柱晚至沈氏小玲瓏施兄攜酒來會  
施本成都人僑居湖三世矣

玉林散策才亭午九曲流觴對偃松脫盡皮膚見真實



卧看桃李競丰容上方細看錐沙刻丈室連澆玉乳濃  
蜀客相逢天萬里不妨暖酌小玲瓏

劍門

壯心低劍類龜藏北度關山稍激昂誰遣五丁通蜀險  
擘開雙劍倚天長山川豈為姦雄誤形勢終歸道德強  
輸與雲遊癡寶誌岳前冷看幾興亡

過萬里橋辛巳春仲二十五日送別先君於此  
俛仰四年不勝感愴

漲綠平堤萬里橋安輿欲去此遲留了知薪盡無餘火  
猶復情癡認刻舟終古不磨方寸恨深恩未有一分酬  
回頭菽水中年樂擁袂汎瀾涕莫收

曉過羅江縣

霽雲破曉湧金盤夙駕馳驅萬古安雲蓋展開山色潤  
羅之上有雲蓋山寺甚秀 羅紋感動水光寒周遭曲港柳彫碧點綴  
遙林楓渥丹游子莫誇工覓句竟輸老衲一蒲團

東川懷古

平生不踏東川路，乘興春風爛漫游。  
文冢姓名懸日月，書堂冤憤慘林丘。  
欲呼千載醉魂起，那復少陵詩句遒。  
啼鳥不知人意緒，弄晴剛自說春愁。

步自南定樓至海觀

南定樓西徑，女牆等閒傑。觀借相羊山，連六詔。夔深阻，  
城挾三江交，淼茫薄晚渡。船人意急清，秋倚檻。客情荒，  
乾坤殺氣淒涼甚。浮海吾寧逐磬囊。

浙江觀潮

浙岸攜觴差一日秋風吹爽軼層霄怒濤奮擊三千里  
壯觀元同十八潮蓬閣何曾雲海隔偃佺未散玉京潮  
琴高背穩容追逐借與天風遞玉簫

十日祭先農拂曉過劉寺

喔喔晨鷄喚出城籃輿兀睡忽天明偶因半路松招客  
始覺空山雨未晴蘸水一梢偏韻勝攬空萬壑自天成  
奉祠猶得搜竒觀始信容臺職最清

綿竹大中祥符寺通悟聖師所創寺前老栢係

師手植因賦此

六百年前事異哉，二龍委骨致瓌材。雖然懸識識興廢，  
要以無心為去來。寺裏塔模天竺樣，門前栢是聖師栽。  
若將鴈嶺較喧寂，寂定光中定一咍。

賦柳池寺護國靈泉

僖宗幸蜀病卧寺中飲此泉得愈賜此佳名

忍淚淋泠過上亭，柳池河酌重消魂。脫身蜀道千山險，  
屈指開元幾葉孫。鴆毒由來藏衽席，瘡痍未易補乾坤。  
行人但賞三泉冷，興替相尋可復論。

借宿靈隱翌旦曉粥後步遊上竺

華鯨吼粥月朦朧滿意杖筇落手中金碧三分靈鷲嶺

烟雲高峙補陀峰一貧未辦莊嚴供

御前所供寶冠纓絡玉瓶玉鑪金鉢

分茶盞

九品堅持憶念功欲問耳根參透處曉寒山靜數

聲鐘

題總持寺

息臺山上最高峰異事相傳管氏童

三官松下奕棋為管氏童延壽籍此

山之本事也

檀幣昔嫌三窟擅齋盂今喜十方同

曩為律居分三房施

金皆為僧所擅自叅政李公請為先福道場擇僧  
茂終為開山拓開兔窟併為十方丈有叢林氣象  
中宵

急灑竹間雨萬壑俄喧松下風欲記徽絃寫心事賞音

喚起石林翁

題羅江雲蓋寺二首

山中有羅仙車轍跡紹興中有權老詩甚佳

雲蓋山前往返頻過門不愧山靈晚烟莽蒼亂流去  
夜雨淋浪歌枕聽遍索寺碑尋往話但餘轍跡護禪局  
老權有句堪呈佛誰為援毫刻翠屏

處處名山屐齒留儘忙也合此閒游重樓高壓青螺頂

二水橫分白鷺洲，歲月儘饒僧結足。  
風烟耐與客消愁，紅塵岐路重回首。  
車轂憧憧古益州。

遊永康靈巖寺

寺有十六大士古像，冀國夫人石經半藏魚鳧洞，多有過之者。

詰曲山蹊遠世氛，荒寒古寺薦爐熏。  
清泉迸石韻寒玉，翠邏倚天施白雲。  
半藏石經真健婦，一龕古貌現聲聞。  
遲留恐遇魚鳧叟，嵐靄浮空日易曛。

覽鏡鬢間兩三點雪

志士傷心髀肉生，寒儒努力在青春。  
課書恨失囊螢聚。



覽鏡驚呼鬢雪新，歲晚何妨勤秉燭。行迷猶可復通津，餘功剩暖丹爐火。莫待幽人喚孔賓。

和程使君勞農仙雲山拜揚子雲像蔣丞相墳  
使君文采郁卿雲，聲利場中三沐薰。繭紙書間臨晉帖，魚膏夜永課皇墳。劬農懇惻車頻駐，弔古淒涼酒易醺。笑我坐牕甘獨冷，吟情強半被愁分。

挽虞提幹仲房

滄江亭上極綢繆，况復蘭階託勝游。邂逅磬川分別袂，

傳聞邊邑費良籌諸公推上青雲轂一夢驚移夜壑舟  
生死交情那忍負霜風吹淚錦江頭

挽廖山父

忘年幸接使君游仲氏論交意最稠桂鷗方看霏月露  
蘭芽何遽隕霜秋遺編薈粹兼三傳英氣崢嶸閱一丘  
忍見嬰車隨二老彭殤試與問莊周

挽順慶使君寶章李十三丈二首

東齋嫡子巽巖孫醞釀詩書氣味醇桃李七州春不盡

松筠一節晚彌新  
恤章峻直寧王寶  
治行高推漢吏循  
四尺墳前千字誄  
清名不與跡俱陳

金相玉質素心降  
每見令人折慢幢  
亦有薦敷當使傳  
若為淹泊只侯邦  
欵門心訝三醫謁  
藏壑舟驚半夜扛  
搔首薰風丹旆舉  
叱歌淒斷不成腔

覺空寺

簾輿選勝暑風輕  
渺渺西岑得化城  
應供佛元無住相  
教忠皇為錫嘉名

諾詎羅尊者化若供于蒙頂楊文安公請為薦先福道場易名教忠竹

牕櫛髮晨光薄松徑寒裳午陰清安得一單長寄此跏  
趺靜看篆香縈

謁普德室德懃濟三祠

祠在炷鄉  
虎頭山

冠建芙蓉佩綴瓊水沉馥袂謁靈君支分一道岷山雪  
鼎峙三宮玉壘雲露積大田雙象鼻駿奔全蜀萬羊羣  
百年征調何當息乞與乾坤淨戰氛

謁周孝公祠

斬蛟潭近欵叢祠逸少行書小陸碑穹壤英名長不泯

承嘗故里有餘思排門簫鼓競攘賽挾彈羅紈羣笑嬉  
煮酒流霞魚饌玉荆溪可欠我題詩

臘月二十六日部宿雪甚登天官廳後亭子

衝寒赴襍青綾被竒事粧成白粉闌老怯憑高銀海眩  
渴因引滿玉池肥七旬蜀道才通信兩月淮壖未解圍  
瀕洞憂端深似海鬢霜爭與六花飛

成都蕭寺度臘卽事示彥威姪二首

瀟洒僧廬暫此留靜省急景意悠悠戲呼道韞詠飛絮

况有阿戎同頌椒三考癡頑成底事一同親愛外何求  
囊無儲俸貧如舊謾整圖書訊便舟

掣電光陰不可追回頭四十九年非萬緣勘破姑隨順  
至道精探識指歸感慨未能忘世慮因循深恐悞時機  
寒牕細話經綸策來歲斯廷為發揮

同二姪一甥游靈隱淨慈寺

韶華倏已三旬過南北山分兩日游翠邏晚寒催暖酒  
綠楊風軟緩移舟無多官事妨行樂有許吟情奪隱憂

三揖孤山林處士泰和容許隱巢由

金山寺

畫圖省識金山面短褐風吹入畫圖玉鏡臺空螺髻直  
海潮音散蜃樓孤歸田擬共江神約鼓枻容追越相逋  
百一十城才發軔指南端不負文書

善財初叅德雲比丘于妙高峰即此

也山

熙老拉泰叔同伴山行由馬溪寺攀躋險絕歷  
龍洞上羅漢洞洞前小菴極幽邃下有龍潭潭

水窈深一綠蟾蜍踞坐石間意若神龍守護者  
抵暮還憩雙峰閣看十三夜月和秦叔韻

扶攜羅漢洞前去誰信此中天地寬澗水翻成千偈快  
嶺雲肯放一塵千倚巖菴好無僧住積石潭深照影寒  
歸對雙峰看月吐薇花浴露色如丹

訪雲端菴居

夢想雲端路屈盤幽尋今果到雲端三間矮屋烟霏擁  
一片閒情宇宙寬土銜間搜靈藥煮天壇不遣篆香殘



誰能好事時供給結足空山也不難

叔存姪伯仲拉登平蓋觀

彭模來往無虛歲平度山纔一度游卜宅舊傳楊蜀郡

蜀郡太守楊洪之故宅

題詩宛在薛嘉州

薛能詩刻

江雲杳靄吞天遠

松檻蕭寒喚客留欲與殊庭追古意略須桃杏植巖幽

長生觀拜謁碧落侍中觀巨楠

功行三千未易圓活人陰德最為先一瓢酒釀春江醪  
百尺楠藏洞府天道骨想從玄祖受高風應許裔孫傳

侍中七世祖曰道遠  
公漢昭烈召之不起

珥貂碧落猶官府何似鞭鸞陪散

仙

八月十日夜夢登青城最高峰醮仙官醮罷同  
羽士二三人散策月下濯足澗水意甚適也推  
枕惘然紀以唐律

舊萃孤岑碧四圍分明佳氣是祠西  
星壇醮罷天如水  
羽褐追遊月滿溪真境可容兵劫壞  
天涯長恐夢魂迷  
烟霞舊侶今誰在還肯丹梯手共攜

金剛經 卷十  
九月晦齋宿太一宮都監姚高士示劉長翁及  
湯仲能諸公唱酬詩軸因和韻二首

擾擾東華車馬塵烟霞何日拂衣襟空花想已銷浮念  
枯木猶能發至音白鶴不來紅日暮金鱗自躍碧潭深  
五十言外無餘旨苦更研朱學洗心

孤雲蹤跡混風塵藹藹陽和滿一襟招得駕班同勝賞  
肯教牛鐸嗣清音菴當黛面雪霜峭洞鎖玉臺烟雨深  
何日與師攜手去胎仙同看舞琴心

祝聖清旦登壇唱步虛下壇曉霧四開晴景  
熙然

峻極先峰接絳霄佩環催肅大昕朝步虛杳渺吟崆峒  
飈馭依稀駐鬱蕭擬効嵩呼騰漢闕細聽天籟響虞韶  
班回徙倚危欄望紅日初昇宿霧消

山中醮後一日雨雪仍留山中霧雨溟濛混然  
如一氣未分也

香霧回翔八景輿帝觴邀我適華胥戲將餘瀝作零雨

金史四庫全書  
卷十  
旋有六花飛太虛意恐混淪凝祖氣心疑圓嶠沒歸墟  
題詩不作人間語呵手殘爐小楷書

登伏龍觀看雪和張權父韻

暖日噓雲釀六霙一元亭毒歲功成霓裳舞散廣寒殿  
鶴氅朝回七寶城決雨會看三月漲屯邊全要萬倉盈  
離堆邂逅成竒觀一笑能令萬慮輕

欽定四庫全書

集部

滄洲塵岳編卷十二

詳校官庶吉士臣瑚圖禮

主事臣呂雲棟覆勘

謄錄監生臣劉塔

謄錄副貢生臣杭光晉

欽定四庫全書

滄洲塵岳編卷十一

宋 程公許 撰

五言排律

行黑水谷三十里以耳目聞見有賦

自過三泉境紆回谷道中居民雖漸復生理頓成空敗  
屋翳蒿逕頽牆荒棘叢稻田多宿莽麥隴間鋪茸耕織  
豈當廢傷殘甘忍窮遑憐已死骨使得掩幽宮梨粉偏  
饒白桃腮也自紅羈游愁滿眼感憤氣填胃家計艱營

聳人謀有異同熟為根本慮無使浪施功

末句謂招納秦鞏

大雪同楊景韓程子敬登寺樓

雪中佳士集同倚寺樓看晃蕩迷滄海空明迫廣寒重  
城和氣浹萬井語聲歡瑞接三冬白憂寬一寸丹漁船  
尋剡曲戰馬渡桑乾天意俱慳與無羶分冷官

遊東坡和柯山潘邠老舊賦

恭惟廊廟具歲晚落江湖豈不三緘舌深慙七尺軀若  
為周士貴翻作楚囚拘詩歎催供上皇聰莫可呼孔融



成幸免柳子豈真愚瓢酒那能醉又錢可得腴貧雖無  
四壁夢不到清都赤壁一枝笛寒溪十幅蒲故交同縞  
紵廢壘借耰耒分徑爭捷可憐雖也無是非端自定  
流落坐成迂四海老泉水一時丹穴雛士皆憐大器手  
不轉洪樞擬問靈著卜難憑造化爐喑喑櫪下馬汎汎  
水中鳧富貴危探虎烟波夢釣鱸定知鏗舍瑟終不亂  
吹竽榛莽開金地江山稱畫圖何當麾斗柄相與第天  
吳生世須如此不然非丈夫

送憲使江寺簿赴召

沃野三千里春風十六城顧憂寧易釋遣送定非輕憶  
昔光華賦隨軒老稚迎根株探吏蠹疴瘡察人情漢網  
寧疎漏周原數按行堰渠豐穰犴戶絕笞榜六詔寂  
無警三農容雜耕與民為父母歛惠到孤嫠江漢今猶  
昔人才世載英頽流無砥柱公道莽榛荆能使薰蕕別  
端由藻鑑明綱條雖整肅襟度乃恢宏行路無思犯濡  
絲已載賡前旒應渴見方底趣終更豈有坳堂水能容

碧海鯨佇翔幽谷羽入轉上林鶯聞道宗風嫩推高月  
旦評榮非同象笏愛亦異金蠶博士尤姱節端公更直  
聲流芳鑄琬琰仍世盛簪纓早並膠庠彦同為館下生  
詩書勤澡濯聲譽響鏗鉤棘路仙班近麻壇守紱榮徒  
勞將使指未足展修名王事猶多難朝陽待一鳴吾君  
元盛德廟筭豈佳兵鷁蚌牢相守貌貅滯遠征秋砧霜  
滿戶曉角月連營縱幸齊疆復難輕海上盟所憂新鬼  
大何日泰階平世論難撐拄天時會擴清狼心寧易厭

魴尾恐加頰椎剝無餘算絲何忍取羸急須元氣護可  
使內憂并否極當逢泰屯餘合遇亨絲綸九天下羽翼  
一朝成已卜皇圖永寧憂敵勢勅公歸瞻負宸朝罷謁  
阿衡勿吝謀猶告頻將底裏傾致身須豹尾平武即鵬  
程有客青衫陋逢人白眼瞠愧無長袖舞愁對短燈檠天  
憫龍鍾極身遭鑒賞精鹽車華錦繡土鼓發醜醜披豁  
叨深眷睽違耿素誠誰云駕序遠忍欠鯉魚烹願效鷹  
鷂擊生憎虎豹羶送公騰召駕撩我動心旌前後慙褒

袞淒涼乏報瓊松筠青不落看取歲崢嶸

又上座主李左史八十韻

江路三年別心旌萬里搖登龍空有夢蟄蟻困無聊側  
聽除書峻深期廟論調方看儀玉筍胡遽理蓀撓在昔  
推華族於今壯本朝談遷承緒遠坡穎更難超江漢英  
風迥堪輿間氣饒文傳千戶印和備九成簫撼地喧雷  
鼓當空插斗杓靈龜韜遠見瘦鶴峙孤標久矣駕陵驥  
淒其鵠避鷗與時為準的立已有科條蚤歲趨嚴詔修

名聳百僚青藜窺夜讀紈笈障塵飄游綰藩侯紱連驅  
使者軺通才期用世所至藹騰謠將畧雄諸葛皇靈格  
有苗帝思前席問命下賜環招敷奏趨丹陛䟽榮逼紫  
霄一朝驚玉立三館看纓影曉露坳螭潤春風砌藥嬌  
倚才兼夕拜專對褫天驕草詔鑿坡夜橫經鶴禁朝紫  
荷班已峻黃閣路非遙感激君恩重傷嗟世論澆維時  
憂旱曠大地徧炎熇公道荒荆棘輿情渴蓼蕭直前臣  
語慙感聽帝心詔剪爪晨頒綽濡膏夕灑瓢孤鳴知鳳

瑞衆疾奈鳩佻賈勇封囊上噓回士氣消防門  
獐九虎利吻譟羣鴉自古譏簧巧傷人甚骨銷  
吾身任江海公論付芻蕘嬌節寒冰雪歸情遡  
汐潮鷺鷗波浩蕩龍鶴夢宕堯雅量陂難撓身  
心栢後凋不妨閒袖手冷看疾揚鑣詠草春波  
綠移牀夜雨瀟湖邊鴻並影夢裏鹿臧蕉庸俗  
偏酣豢清風久寂寥菘菘紛蔽戶蕭艾服盈腰  
甘作墻間乞真成陌上挑迷途爭窘步俚耳怪  
聞韶主自明如舜人寧免吠堯與時雖落落任  
運獨囂囂正論

何曾泯羣公莫誤料邦基期莫鼎隣火逼回颺漫倚泥  
封谷徒嫌斗擊刁護疽雖暫逸廢食可禁枵嘗膽當忘  
食求衣合在宵若為人杞梓空使侶漁樵蠟潤東山屐  
塵漫北闕貂牙籤搜蠹槁畫舫看魚跳回首堯天濶  
心郢路迢僕夫悲馬跼詹尹拂龜焦忍使遐心寫懸知  
睿想翹天街催並轡里社恥題橋慨念材成就艱如器  
琢雕扶持非有素運用恐無繇康世先營度猶農待勸  
劭可容苗亂莠莫使楫侵椒議必和平勃忠無棄董晁



皇皇賢路闢汲汲將才驍不廢菁莪育精分玉石燒人  
心如眷眷天理自昭昭蓄銳勤耕渭乘機速渡遼定應  
人激厲可使氣嫖姚催促元勳紀歡呼敵首梟明知霖  
雨渴不用鼎烹要豫卜中興漢母徒小惠僑寒儒鑽蠹  
簡雅志自垂髻有夢騫鵬浪無心翫翠苔憶曾持鐵寸  
誤辱采桐焦步想長楸展凝成大瓠嗚長懷梧鳳表屢  
賦草蟲嚶官冗盆繅繭身羈甲附蝟不辭行役倦願奉  
燕居天抱璞求礪琢荒疇待葺樵木瓜如許贈誓志報

瓊瑤

上曹憲使五十韻

曹公名器  
字叔遠

驥不稱其力文當與德兼  
福能多悻悻小器或恣恣行  
世吾誰與窺公意自厭秉  
心溫以恪植操靜而廉信  
矣天資媿加之學力漸巖巖  
疑壁立灑灑乃淵潛李杜波  
瀾闊黃陳律令嚴鏗鉉諧  
律呂璀璨溢絢緜振采賢  
關闢䟽榮物議貪董帷終  
日下戴席幾重添江漢荆  
之望龜蒙魯所瞻鷁飛俄  
引卻蝶夢一何恬萬里紆  
朱紱孤

峯對白鹽清吟憑月檻長嘯倚風簷偶過伊川洞高蹇  
刺史檐簡寬踈訟蛤惻怛到窮閭治行流江海除書降  
陛廉六條頌屬部五聽察蒼黔紫塞塵方暗紅巾黨未  
殲人情彌震洶鄰境倍危阨所恃福星照能令妖焰燄  
民皆欣抃手公亦笑掀髯鳳縟摻才切驪珠信手拈春  
雷掀舊蟄秋月吐新蟾平似衡加石明如鏡出奩薦賢  
應受賞端策不須占世路吁猶梗宸衷祇自悞飛書星  
較速多壘日相覘曠霧中原慘何時聖化霑廟謀須謹

客人意惡猜嫌表葛如無定膏盲豈易砭內須和鼎鉉  
外亦倚珠鈴頃者益謀帥胡然心執謙有才空置散蓄  
憤可能快人物何其眇公朝忌者儉幾曾明察察競作  
息奄奄我自芻蕘侶情酣筍蕨甜輟耕憐穀棘貪餌強  
喁噲昔戀龜頭縮今愁馬口箝何階羣玉府入手萬牙  
籤憔悴投林翼蹒跚上竹鮎自窺談屑璨屢詫筆鋒鈿  
愧甚享金帚慙如倚玉簫素懷長北闕流景恐西崦天  
久思平治公當贊景炎入應扶紫極出則擁朱綬謀必

先康濟才宜拔滯淹豈聞春發育而間物洪纖執御心  
無數題詩筆欠尖清波一引手濁水脫膠粘

上瀘州楊尚書四十韻

清瑩玻璃水巉巖石筍峯孕才供世用有道致時雍闕  
閱宋清節源流唐靖恭異時先太史司匭事光宗忠憤  
排黃闥憂危溢阜封扶顛重立極涉筆但司農餘地勤  
菑獲連城薦璧琮羽毛參薛鳳頭角半荀龍赫奕誇分  
鼎鏗鉤響大鏞雲霄才直上時運快遭逢袖馥麋九賜

芸繒蠹簡重亨衢無齟齬按轡獨從容監寺雖平進班  
行歎乏供賜茶經幄暝濡筆殿均彤曉陞荷囊擁春墀  
草履登時來如邂逅慮遠妙彌縫霖雨睿思渴雲山歸  
興濃入辭親黼座宣勸濫金鐘可使安耕稼無勞訪枸  
筇錦衣華故里茸纛拂遐衝龍駕攀無及烏號涕莫從  
嗣皇初訪落達孝極思庸故老尤紆眷庭臣孰比蹤威  
名震滇楚治體嗣黃龔白羽閒春燕黃埃歛夕烽官刑  
懲縱暴民氣化醇醲北定風簷敞西來雪浪春憑欄聊

放目憂國若為悰褒詔煩因任真祠未許慵定知頻側  
席胡不趣追鋒念昔聯瓜葛游談及菲葑駑駘勞剪拂  
礦質費陶鎔永谷窘寒凍石田加蘊懣攝齋時緩緩銜  
感志忪忪世論方膠柱人情謹護癰遲公歸燮理為國  
掃蒙茸遡日孤忠炯飛霜兩鬢鬆欲酬青玉案何有色  
絲霄自笑踈頑甚猶須砭劑攻兔絲雖小草千文託長

松

壽茶使三十韻

湖海裒英氣星鳳瑞聖朝黃鍾回暖律紫毳下層霄平  
武登巍選高才局下僚一朝翻渤海萬里舡扶搖遷次  
更州牧澄清奉漢條帑藏參會計閩寄竦嫫姚帝想重  
關阻雲連八水遼近知敵運盡不復舊時驕遣送紆天  
寵將輸伏使輶艱難須力濟氛祲覺潛銷還把天隅繡  
來題駟馬橋留良無復恨擷秀自應饒倚重藩條布尤  
先政理調根株探吏蠹襦袴藹民謠沅地金錢溢褰風  
錦幄飄異時司權牧永日但逍遙誰似躬行美能知燕



處超兵厨踈螳味訟牘列牛腰苦節同儒素清風起俗  
囂世途猶梗塞士氣况陰消竭澤無餘算何時罷擊刁  
定知虛守久可卜賜環招經世須材畧猶農力菘穰牧  
時宜解瑟渴治急聞韶豹尾催持橐蟬冠合珥貂致身  
期丙魏耐老並松喬笑我同溝斷惟公賞爨焦窮棲官  
署冷阻侍燕居天春信梅先覺霜天栢後凋殷勤眉壽  
祝持用報瓊瑤

七言排律

錢秘書郎劉侯出守龍舒分韻得亭字

皖伯疏封有故城新堂猶寶李翺銘三峯秀出塵區外  
二水空流戰血腥在昔建邦專地勢祇今誤計寄沙汀  
集鴻底處容棲宿冠鶚何人稱使令輪對適當三館彥  
忠純能聳四聰聰俄聞命綰邦侯組應是名題御坐屏  
地有險夷何可擇事方艱棘不遑寧扶持羸憊為耕叟  
收歛奸雄作戰丁遺愛重尋朱邑廟壯圖仍訪呂蒙亭  
可能舊觀珠還浦試拓新規刃發硎少待烽煙清紫塞

却持筆橐侍彤庭男兒莫作分攜恨勲業相期汗簡青  
代壽李參預鴈湖先生五十韻

仙李蟬嫣系緒長丹崖譜牒自曹王滔滔江漢流波漫  
濯濯芝蘭奕葉芳陵井已偕儒術顯巖尤擅史才良  
榆枌倍借千鈞重闕闕高騰萬丈光在昔五之皆瑞晉  
祇今三薛共推唐何人說似公初誕跌坐從來見未嘗  
不是老聃鍾瑞異也應太白減精芒直從上界飄霞佩  
來向塵寰艷織襄疑夢無因嗤衛玠問炊不餽比元方

鯉庭早熟蘭膏讀蟾窟濃分桂子香祕館繙書推博洽  
著庭紬史極精詳歸來兩郡驅紅旆還入修門荷紫囊  
議禮挽回周典制代言直似漢文章一朝誰作兵端啓  
萬里應勞使指將射鴈子卿歸亦幸棄豚竇憲勢方張  
披肝九陛獍羣吠回首三邊已戰場妙選何心榮寵利  
扶顛有意為周防事難忍作抽身計幾密方明疾惡腸  
鸞鳳得朋應漸集鳩鴉鍛羽可能翔魚頭熟念衣寬帶  
虎士歡趨氣涌湯詔下九天銜袖滿人知二府畫謀臧

古來所貴真儒用天定何憂敵國強刑典已先明兩觀  
和盟便許復侵疆論功自合專台席讒口胡為弄巧簧  
三載栽峯聽鶴唳九年里社祇龜藏踈踈竹色橫青瑣  
灑灑湖光映畫廊曉案聖經研蘊奧夜窗古史閱興亡  
煙霞雅趣疑成痼風雨清吟樂對床誰遣白駒歌逸豫  
未應綠野久徜徉情知蕭艾糝芳澤手藝衡蘭儲糗糧  
擬輔皇輿休僨軸莫令中道嘆無航新銜寵自乾坤施  
繼廩恩疏雨露瀼公論在人元不泯精忠報國諒難忘

慨思周道憂如擣常恐幽風怨缺斯九世陵園無復理  
百年玉帛不能償鸞旂龍馭猶西淝貂帽狐裘滿大梁  
休恠窮猿能倔强且防新羯重披猖夢疑謝駕遊春墅  
望渴商霖澤早秧借問孤舟橫野渡誰為一柱屹明堂  
會看馬首遮于叟併遣籌帷出子房勤恤民心延命脉  
精搜人物整朝綱國威久憤寧終屈事會時來豈有常  
決皆三階明象緯為渠一矢殞天狼日高宮線初添繡  
霧滃門弧記設桑盛事滿堂昏象服榮觀三壽簇霞觴

擬將善頌祈周斗空有遐思  
繼孔牆期與八荒開壽域  
也榮枯枿舞春陽詩書澤厚床堆笏  
竹帛勲高繡織裳  
與國同休山若礪錫公難老  
壽如岡丹成却結喬松侶  
駕鶴三清樂未央

送別制置董侍郎東歸

荷囊曉趁紫宸朝玉立堂堂侍冕旒  
帝為蠶叢精擇帥  
詔頒虎節徃分憂旌幢雲合三千乘  
錦繡春濃六十州  
儀鳳雅應為國瑞烹鮮何忍與民仇  
陽和嗟暖松州雪

膏澤長隨錦水流  
酒賤途歌喧夜市  
羸肥社鼓響春疇  
教條寬簡難輕犯  
鑑戒高明不暗投  
建學文翁先美俗  
雄邊德裕有良籌  
若為殿角頻憂顧  
何恨天涯久逗留  
幾度璽書頒北闕  
四時朱履簇西樓  
神全削堊無機露  
德厚如山鎮俗浮  
邊騎誰令輕犯塞  
羽書忽訝急飛郵  
褫牙往度重關險  
建旄那容一刻留  
明月三更悲鼓角  
晴烟萬竈宿貔貅  
乘墉妄意窺吾境  
奠枕何由奈敵讐  
忠孝全軍齊縞素  
嫖姚列校奮戈矛  
金牌不與全腰臂



鐵胄安能比鬪體戰勝遊魂驚鈇鹿凱旋享士趣椎牛  
三秦席卷非難事偏將星奔悵寡謀坐屈戎昭親跋履  
中嚴師律戢姦偷人知福德如中令誰省恩威似武侯  
過眼七年勞節制焦心九陞渴才猷賜環笑拆封泥詔  
疊鼓催裝下峽舟織錦何傷讒口捷憩棠翻作去思愁  
雅懷納納湖千頃外物區區海一漚書怪無心疑咄咄  
委懷何事不悠悠紛紜歸夢尋猿鶴浩蕩詩盟狎鷺鷗  
世事未知何日定才難莫若舊人求病深根本宜加護

脉在參苓或未瘳德望定須歌赤舄姓名佇見啓金甌  
蹇余政自臞山澤漫仕都緣迫釜區綵棒乏材供擊斷  
鏤冰無技苦雕鏤豈期吏責寬三尺誤辱儒宗放一頭  
袖有神鞭驅款段意令蹇步逐驂騑生遭名德為知己  
誓企清塵力好修桂檝穩飛三峽浪蒲帆歸赴五湖秋  
百年幾見輕成別萬斛清愁黯莫收倚俟泰階明紫極  
未愁弱水限瀛洲槐庭何日堤沙築玉食須渠鼎鉉調  
議有異同宜審擇人無近遠要旁搜非才忍負知音遇

引臂追隨萬里遊

代壽安宣相

帝祐炎圖合中興風雲嘉會契千齡石田早暝須膏澤  
蟄戶陰凝聳震霆審象巖間同說命絕韋聖處見羲經  
立談解使泉羹爛餘事能空鬼窟腥岌岌危機還奠枕  
恢恢游刃發新硎坐令含哺娛黃耆忍使供徭困白丁  
河帶已知申漢誓雲和聊復訪湘靈歸來旌節華仁里  
寄傲壺觴等大庭天厭游氛侵上國風傳飛羽警邊亭

汗顏何限指空血膠柱誰云瑟可聽斧鉞重開都督府  
縷紳盛集小朝廷白波坐壓風濤洶黃紙恩濃雨露冷  
重與蜀民司命脉定知天陞渴儀形着高何病碁難活  
事定端如醉得醒萬里車書寧久隔三邊鞞鼓幾時停  
西南屹立擎天柱子午長驅建屋瓠會見輿圖恢故境  
便紆公袞坐頭廳無窮壽福由忠赤不朽功名付汗青  
自笑此生同塞馬若為有幸列侯鯖誦詩起為蒼生賀  
南極星環帝座星

五言絕句

同諸友山行分袂言別五首

共蠟登山屐俄尋下水船  
到家人怪問滿袖挾風煙  
大面窈深處神仙碧玉壺  
孫郎妙心眼催作後山圖  
神都旬浹住大面欠窮探  
未盡山中趣重來賦蔚藍  
羅家隔香積天國近花坪  
何日同搜覽題詩索戴簷  
名山遍宇宙歷歷紀輿圖  
安得身雲水孤筇自給扶

楓橋寺小憩

追憶丙申維夏與悅齋先生會留連三日而  
別拂拭舊刻淒然久之主僧留話借悅齋先

生韻賦四首

雲已安排雪天仍慳淡風纜船投古刹撥火共談空  
寂歷少林壁酸寒飯顛山相逢如有舊示我亦無還  
往事驚心折三年樵指間西州門外淚華屋遽青山  
唐人舊吟處古殿晝多陰欲去有餘戀片雲飛碧岑

鎖宿餘半月得閒讀書喜而有賦

日月疾跳丸簡篇浩煙海弓旌誤誘去歎息可中悔  
馬瘖僕亦倦得休苦無多剝啄復剝啄奈此分陰何  
薰風鎖重棘襍被去何勇私我幾日閒此意千金重  
晴檐蔭虛白夜燈耿闌寥自憐聲吾伊亦復如聞韶  
王事有期程稱意不可再寄言山中友勿誤青衫愛

六言絕句

和雁湖先生病起自警八章

觀空得舍筏喻示病無散花天從渠幻起幻滅我自燕

處超然

葆光悟老子說游仙續景純詩木鑽可使石透槃水猶  
嚴手持

專氣如嬰兒相觀心得宿命通認取無聲無色了知非  
瞽非聾

三關中隱玉閣七言味在藥珠妙得養生真訣善刀四  
顧躊躇

學仙寧復華念為士苦畏四鄰鐵彈茅茨何在兩翁心



豈違人

鐵彈張四郎故事茅茨賦朱祭酒也先生作小室以奉二仙

殘編幸出壞宅滴露何能闡微萬古聖賢心法未饒西

竺傳衣

永夜朝元騫樹蕭晨晞髮扶桑妙處本來一貫何異心

齋坐忘

貪夫孜孜為利烈士汲汲徇名誰似先生元尚名標七

寶宮城

道書玄都玉京有七寶城太乙真人頌舊璨七寶林晃朗日月精標香稽首禮族行遶宮城

郡事多冗命繩翁拉彥翔則明德素遊趙園彥

金少正月  
卷十一  
翔歸以五章示教用韻

戰氛塞蠶叢國決策下勝峯山避地客江湖久著書無  
頃刻閒

世溷溷爭捷徑髮種種不勝簪歎門恰來石友倚檻同  
觀玉岑

簡編得趣自熟軒冕於我何加喜為勝遊着句未須歸  
賦落霞

俗氛妨人選勝危坐待歸啜茶聽渠說山說水撩我清

夢還家

浮生何適非寄百慮非言可宣誰能尋訪樂土籲天僑  
立西川

與子先兄及伯暢甥別投宿明月山客邸悵然  
有賦

相思命千里駕慘別緩三疊歌幸祖帳得少住奈征夫  
催發何

岐路暫須執手高城忍更回頭大家制兒女淚努力為

名業謀

鍾情慨左右手舍我作汗漫游渭陽政須數面南浦約  
送行舟

七言絕句

上元即事四首

放燈時節快晴天紅杏梢頭璧月圓物色似嫌人意懶  
故撩吟思着風煙

昭覺芙蓉萬炬紅馬蹄無處避香風勝遊似夢難重省

最憶瓊酥點綴工

懶慢無才可熱官良辰何以博親歡翻思田舍朋簪盍  
濁酒青燈語夜闌

不用長檠換短檠一窗圖史任縱橫定知太乙青藜杖  
合向書邊分外明

元夕題燈龕四首

綠綺新調正始音紅蕖小放上元燈遊人莫誚遨頭懶  
只願年豐歲事登

圍棘侵天催速戰土膏得雨要深耕  
儒風鼎盛田多稼  
早願三邊洗甲兵

期會從教迫星火絃歌我自樂春風  
欲知政理和平處  
都在邦人笑語中

水晶簾映寶燈明海上移來不夜城  
何似圖書羣玉府  
青藜靜對月三更

和程及甫迎春三首

語脉留連燭跋頻也知同姓異他人  
筆花枉着藍田紙

誰直金鑾夜演綸

劒棧雲深爛漫遊知非吾土且登樓薰風十里陌堤上  
打伴明當還益州

萬生寧不念扶顛澗壑今猶挽莫前過眼舜華開落幾  
功名好在鬢皤然

和虞滄江梅花四絕句

橫枝借與月傳神相對無言自目成好在玉壺清夜裏  
冷香孤艷浸空明

園林春到杳無蹤恰似靈犀一點通  
勝著新題問花信  
從頭二十四番風

銅彝深養玉膚肌更著圖書繞四圍  
千古離騷誰與續  
襲人清韻自芳菲

暖日籠寒意小快為君索笑一巡簷  
細按玉糝浮杯面  
猶自詩腸未屬厭

和司令洪文詠梅花兩絕句

人間何處覓瓊華元住瑤池阿母家  
應念維摩室無侍



來隨天女供天花

舊遊無處問芳華

合江亭舊有樓名芳華為賞梅勝處

身似禪僧處處家

聊共梅花娛歲晚又催元日頌椒花

再和

聞道溪橋溢欲乾黃昏縞袂不禁寒愛之不見空搔首  
玉立亭亭可得干

一冬已放酒杯乾三復名章敵露寒著我瑤林瓊樹裡

何須初雪畫江干

王摩詰有江干初雪圖事見石林避暑錄

和若水賦郡圃梅花三絕句

踏雪微吟分外清  
藍橋底處覓雲英  
客來何物供娛玩  
竹葉新芻玉糝羹

瓊玉林中笑語親  
色香原不著根塵  
淡煙疎雨靜相對  
聊藉詩篇管領春

冰池媚影早春時  
轉眼纍纍子着枝  
調飪可能無好手  
太羹真味付誰知

春明日侍親輿遊海雲寺四首

和風釀日又春明  
茶事驚呼探火新  
整頓安輿扶鶴骨  
晴郊滿意賞青春

琴鶴清風久寂寥  
谷居忠憤絢銀鈎  
龕中片石費錐鑿

還為兩翁須點頭

寺有清獻像  
忠定詩刻

休問霜林鶴頂丹  
空庭三尺綠新攢  
從渠五老掀髯笑  
我自與師盟歲寒

脩脩竹色蘸清尊  
更借陰風蕩午暄  
博得親顏開一笑  
佳名須記壽星軒

黃香梅

湘枝滌露最鮮明  
瓊佩歸來帶宿醒  
莫向人間強分別  
一般品職列三清

綠萼梅

縹緲南山萼綠華  
春宵侍宴玉皇家  
定知飲醕玻璃椀  
去擁雲輶併六花

紅梅

羣仙遙夜倚欄時  
東閣詩成一段奇  
休遣北人輕辨認

杏繁較似乏清姿

題花十絕句

憶昨劉園共一杯  
花雖多品未全開  
芳郊是處堪行樂  
正用此時特事來

穀雨猶賒半月期  
禁烟花事已紛披  
吏塵眯目春餘幾  
却被名花喚覓詩

楊花漠漠亂晴空  
翠幃復與御晚風  
試與徐園評絕品  
紫毬曲柄狀元紅

何相家庭僅百窠擁培力厚得春多羣妃舞散瑤臺晚  
盡醉東皇金巨羅

花城最好穆家亭一樹雙跗疊彩雲

穆知和園有瑞雲  
一朵雙苞極奇麗

似是將雛有先兆主林神為瑞斯文

簿書投我夢沉迷有客相攜兩日嬉錫粥催人歸供節

蔡莊猶恨欠題詩

蔡莊有三千窠以雨甚  
忽歸供節不得迂訪

一欄養就數窠花却辨牙牌定等差我自己色塵無染着

試將道眼看芳華

臙脂樓與瑞雲紅疊萼重跗剪刻工元利滋為人偽奪  
不如傾倒付東風

絡繹筠籃為我分古銅雲壘井花溫無情風雨連宵惡  
數朶窻紗故自存

饑腸可忍麥登場寒索衣裘繭飮桑莫為花殘恨風雨  
深恩何以答東皇

小詩東道傳覓花栽

分我幽園花數栽滄洲三徑劔蒿萊殷勤雨露親培植

小待春風共一杯

施兄折贈苔梅將以二絕和韻謝之

老幹查牙裹綠苔雪中能有幾花開  
杜陵不耐香愁亂更看幽人輕折來

枯木巖前不受寒幾曾披腹詫琅玕  
春風何限閒花草歲晚貞心要耐看

和虞使君擷素馨花遺張立蒸沉香四絕句

平章江澗素馨種小白花山瓜葛親借取水沉薰玉骨



便如屏障喚真真

長訝詩人巧奪胎  
天心月脇句中來  
更將花譜通香譜  
輸與博山烘炭煤

綠雲影覆白雲英  
馥郁秋風不易陳  
休遣江南誇艷曲  
朝朝瓊樹眼中新

風露高寒醉夢清  
小窻香霧遠囂塵  
不須殷七戲三昧  
始信司花女有神

--	--	--	--	--	--	--	--

欽定四庫全書

滄洲塵缶編卷十二

宋程公許撰

七言絕句

積雪未晴正旦朝賀大慶殿口號八章

雪瑞連宵未肯晴  
粧排光景待朝正  
八盤嶺轉宮城近  
愴怳身登白玉京

清蹕轟雷輦出房  
楮紅一點殿中央  
天知聖主憂邊久  
剩放飛靈兆歲穰

萬點華星續續來  
宮門未放玉篴開  
忍寒少待晨光透  
不住催班引上台

東西廊轉面朝天  
緋綠爛斑紫綬褰  
萬歲聲中陪率舞  
野麋終羨草芊綿

凝旒憂顧念三邊  
詔撒鼇山罷秩筵  
天眷仁明宜悔禍  
眼看千里息烽烟

六龍不動玉鞭迷  
霧靄荒寒五鳳癡  
靜閱天機消復長  
未應水谷覓消遲

玉階再拜卷班回一炷心香憫劫灰六合風塵須一洗  
八荒壽域會重開

擾擾勞生祇自嘆依依鄉夢五更寒臨流釣石應無恙  
歸逐隣翁整釣竿

工侍國史李文奉御香禱雪上竺前一夕雪瑞  
已應道間志喜成詩以示敬借韻同賦

夜窻細跋燭花紅窻外那知雪墮空危坐不如眠較煖  
紙衾休要水沉烘

列仙朝罷玉皇家  
一色中單襯白紗  
纔得東皇呈上瑞  
萬年枝上早開花

未問含章眩曉粧  
巧將珪璧壘宮牆  
愛民天子心堯舜  
猶自黃封降御香

阿佛常時奮老拳  
為銜詔旨意精專  
且煩大士開顏笑  
吹散曼陀黼宸前

憂早憂蝗恰一年  
未春喜見六花妍  
極知氣脉艱調護  
須得醫和為保全

灞橋風景渺荒寒最好騎驢物色看得似西湖湖上境  
被公驅使入毫端

聞道孤山未有梅春郊早已艷玫瑰何當結伴林家去  
共擷香英耐一杯

又省闈鎖宿十月十三日夜月獨酌

霜月鋪銀灩瓦溝憶曾盡醉作中秋侵天圍棘孤吟夜  
且著紅爐為暖愁

兩月重來月又圓寺鐘驚夢五更殘此情誰遣啼鴉覺

飛過東牆代訴寒

臨卽試士

沉沉鎖棘春風晚  
漠漠重簾晝景移  
白紵曉寒疑夢事  
袖間猶記墨淋漓

再和賀及甫領西清先生薦牘

薦函引重一何頻  
畫餅充饑恐誤人  
公道晚遭諸葛相  
且煩輿致倚經綸

萬里因人作遠遊  
眼明西北有高樓  
蛾眉嫁晚貞心在



閒倚春風唱石州

功名壯節易華顛揚簸翻羞糠粃前老子鑪錘無別巧  
精粗良窳任天然

謁侍郎李先生

自潼移鎮武陵

賦就凌霄意欲僊却飛霞佩武陵源桃花總是甘棠舊  
重與郎君憩鹿輜

異時乘月喚胡床便那青鸞到玉堂見說紫清虛佇久  
漁船休戀落花香

公歸帝所幹鈞衡早為乾坤洗甲兵第一人才須汲引  
泰階平待拔茅征

春風曾得曳長裾再見應知勝百書從此修門天萬里  
可能誦賦憶相如

平生知己兩蘇公乞與宮商發繫桐歸日鴈湖談夜雨  
南枝有信待東風

夔門邂逅同年汪丈奉議示詩和吟三首

萬里吳天問去程停橈峽口約偕行蒼顏相對曾相識

千佛經中記姓名

鵬風九萬是修程  
駟馬何妨緩轡行  
聖治今方法元祐  
白頭儘耐立功名

造朝敢不戒期程  
鼙鼓明朝又趣行  
好趣雪晴同訪古  
東屯詩老舊知名

羅漢洞

青衣中巖洞與潼川牛頭洞相通此洞乃其後門也

中巖洞透牛頭洞後洞門從此處開  
剝剝塵塵皆住處  
勝遊何必限天台

金史卷之三十一  
卷十二  
內機知府郎官再和示教清拔適美手不能置  
用韻以答嘉貺愧不足以當瓊瑤之報也

新詩俊敵鮑參軍結字歐虞矐後塵我亦平生違俗嗜  
與君交似醉陽春

莫倚鳴髀力有餘天扶興運要驅除可須測象疑蓬掃

時邸報太史呈  
有甚亭之災

便擬排雲上諫書

長憐祀菊老天隨未必無才可濟時蓋代功成一炊黍  
清名過取恐非宜

愛閒天未許君閒國步扶持真鼎安千古淮淝一棋局  
土山盟在未應寒

世味輕於玉斗撞向來驕氣為君降暫離約會春風早  
催逐飛颿下楚江

廬陵劉兄焱袖詩編藁相訪借所和施從可唱  
酬韻答以三絕句

天憎我輩韻孤清故遣催科塵汚人幸有新詩為湔祓  
英瓊瑤未足為珍

拙與時乖勿誤謀可能騎鶴更揚州  
翹英似子寧終困玉帛何時來蹇修

清愁如海渺無邊強整衰容傍酒船  
若許白鷗同保社五湖秋水碧於天

送楊元光隨編修李季才出守衡陽

逃虛喜聽足音聲况是鄉人萬里逢  
江海茫茫天盡處又攜書劍入湘中

君到瀟湘漸迫秋鄉關音問轉悠悠  
思歸少忍煙塵息

回鴈峯前莫浪愁

君家屋近我先塋累世交遊意氣親夢斷金梯山下路

欲談往事恐傷神

余先世眉之丹稜與元光諸院為隣金梯祖墓在焉

萍梗天涯幸有依魚兮川泳鳥雲飛祝融紫蓋題詩了

早起賢侯召駕歸

自永康還連日又告早懇祈勤恪初四五日再

得甘霖農疇無高下沛然沾渥因賦絕句志喜

井花湔手寶香焚一念何曾隔紫清半夜瓦溝飛急響

化工元不吝生成

穉苗蘇醒曉風涼老魅匆匆遽假裝  
旬浹望霓心肺渴  
暫須一啜露華香

去年西浙颶風高瞬息三州汨海濤  
欲倚人謀銷咎證  
扶持那可欠英豪

茂陵何識瑞乾封遑恤蕭條四海空  
魴尾如今較勞止  
廟謨端不倖邊功

雨餘遙翠抹飛霞風送蛟龍恰到家  
一夜涼侵斬竹簟



最宜敬枕聽鳴鼃

虞使君示春日喜雨六絕和韻

相思一日似三秋况是三年急景流一笑玉華池上路  
春風為我盪牢愁

入國洋洋頌借留二年高廩趣時收可能萬物盡吐氣  
邦伯人人元道州

世故紛紜劇蝟毛利名海裏火銷膏何如道院三更雨  
稽古功成秋兔毫

全宋詩卷之八十一  
卷十二  
記擘吟箋手欲斂至今滿篋玉湖春郢人妙質何曾死  
乞與風斤運用神

悠悠千古意茫然  
姪姪誰非倚市妍  
心事相期流俗外  
牽聯玉海儻同編

引袂天風几席傍  
滿城無處不甘棠  
定知丹雀銜書近  
趣擁弓旌入帝鄉

和虞使君春雨

詩翁高卧滄江上  
幾為憂民霜鬢毛  
推枕中宵賦春雨

筆鋒如瑩鵝鵝膏

宿旌陽風月無盡藏和虞滄江二首

玉塔界山松靄外  
荻花翻雪晚風前  
輪蹄漠漠紅塵裏  
不著藤蘿鎖洞天

仙翁颺馭何方去  
猶記淘丹冽井中  
莫倚危欄長引嘯  
恐驚鸞鶴下罡風

牡丹

春工殫巧萬花叢  
晚見昭儀擅漢宮  
可惜芳時天不借

自序  
卷十二  
三更雨歇五更風

改作池亭子安弟賦二絕因和韻

凌波微步玉亭亭華豔深遮萬蓋青能使官曹饒野趣  
小煩月斧敞風櫺

檀隴低風呈遠碧稻塍分溜溢方池簿書課辦心如水  
獨岸烏紗細琢詩

移住郭婆井官廨二絕句

絕知家具少於車伴我奔馳幾篋書賴是官清饒暇日

忍教書冊與人踈

官居何得似僧居  
著穩層樓望眼舒  
繞檻湖光與山色  
可無佳句與消除

中秋和姜主簿韻

中秋月自古來慳  
孤坐寒窻思黯然  
懶近舞腰花十八  
恨無珠履客三千

三更露氣滿秋堂  
秘訣新傳食月芒  
安得南樓三百尺  
暫容老子據胡床

被檄北征從宣威幕崔公之招也

芹藻浮香水半環官曹得似廣文間羽書趣上將軍馬  
却擁貂裘度劔關

和內幕季美

武帳宵寒漏箭傳元戎威望響秦川機籌整暇一橫槊  
寒澁何能強比肩

再和二首

敵技無多莫浪傳西京元是宋山川書生但可謀帷幄

壯士得無須彘肩

五丁鑿劍古今傳  
屹立崇墉蔽兩川  
滿目風寒無處避  
祇今由徑競摩肩

謁告得歸拜呈內機知府郎官五首

一屋堆鞋笑領軍  
人間滄海幾揚塵  
卷舒不與心為累  
琪樹瑶林別有春

家貧儋石欠贏餘  
恩許西歸度截除  
只恐期程催趣駕  
羞顏插架舊藏書

違覆由來諱詭隨民勞未有甚今時一分寬受一分賜  
喜見留屯奏便宜

公餘賡載不曾閒一段風流嗣建安霜月西牕誰畫取  
詩人雙聳玉樓寒

膏車忍待曉鐘撞浩蕩歸情不可降一笑朔風寒掠面  
緩吟疎影蘸清江

成都一月奔走人事喜於賦歸

輪蹄霧漲九衢塵役役人間祇是親隨分世緣聊復爾



暫歸還我自由身

賀秀巖李工侍七首

工侍累章告老上命以西清候對加三秩華  
其歸借往歲天竺雪詩韻賦七章寄賀

桐帽棕鞵帶染紅誰能仰箭著虛空乞身何幸天從欲  
羸得溪堂一笑烘

瀟洒精廬此託家暑風一幅岸烏紗客來祇可烹茶待  
旋督山童汲水花

白板扉無黛墨粧  
碧琅玕漸出垣牆  
卷藏汗簡編摩手  
賸與離騷譜衆芳

封章三上意拳拳  
却恨歸無一壑專  
商畧浮生皆寄耳  
直須勘破劫空前

雙檜蟠根不記年  
儘饒紅紫競春妍  
復輿來往清苔岸  
坡穎那能比樂全

徹桑那復慮風寒  
羈客相逢各好看  
誰辨草堂樓子美  
會扶藜杖過蘇端

擬結三間剩種梅要令繞屋積瓊瑰與公酥酪元同味  
投老時須共一杯

惜別五首

里社婆婆五六年成瓜催促上艤船官情似交情好  
去意其如別意牽

方舟追送愧情親水宿風餐兩日程敲枕清灘醒醉夢  
此中強半是離聲

憂患磨人鬢易皤近來更覺別情難霜筠雪柏圖堅耐

願保貞心共歲寒

酒莫多斟且緩觴  
停舟沙步更徜徉  
清江後夜長相憶  
賸撚梅花訴斷腸

珠樹森森秀阮林  
高堂有母各歡心  
蘭陔娛養時多暇  
勿遣平安闕嗣音

春晚客中雜吟四絕句

憶伴梅花醉短亭  
驚心紅藥餞餘春  
不知九十日光景  
辦得晴窗幾欠伸

昨夜青皇駕趣旋星榆散漫晚風顛一春無緒供陶寫  
滿硯塵埃費洗湔

桑陰翳翳響繅車麥熟多時稻吐芽若使征輸寬一半  
人生最樂只田家

怒風轉暖作陰寒春盡如何衣怯單最憶就林煨苦筍  
六年輕失此清歡

臨途屆郟值雨

仙人念我世緣輕貸與山行幾日晴袖有碧岑三十六

不妨風雨過鵲城

梁山客邸雨後月色佳甚寄懷及甫

雨過青空月一痕  
風襟留爽到黃昏  
持杯未噉思玄度  
今夜微吟何處村

石佛道間見梅二絕句

一冬川陸盡奔馳  
開盡南枝又北枝  
玉立世間塵土外  
子真那不笑人癡

慘澹汀沙集暝煙  
林間飛下羽衣仙  
與君夙昔同心事

可與悲絲白作玄

山間桃花盛開

槿籬繩屋間桃花晴日蒸紅片片霞物色為人揩病眼  
亂山深處詫奢華

正月二十五日過真溪見桃花

窈窕溪山狹徑通輕輿飛幟御東風倚天蒼壁人煙外  
也有桃花簇簇紅

桃花簇簇有人家寂歷炊煙晚照斜滿眼芳春無處著

一機新錦濯煙霞

衢信道間見紫薇花

紫薇花自非凡品何事栖根枳棘叢白髮舍人羞見道  
相逢那敢恨飄蓬

暑行聞黃鸝聲

人行午倦渴思冰黃粟留鳴綠樹陰安得故山歸燕坐  
竹風牕戶一披襟

投宿中巖口酒家



漁艇衝烟巖口泊村醪  
注瓦甕頭嘗雨聲  
夜襍灘聲怒借與行人一枕涼

遊下巖崇封院

鼓柁前春過下巖空  
將目力寄雲端而今真箇巖頭去  
領取煙雲潑袂寒

石扉深鎖一龕雲  
未必人間隻履存  
持鉢欲尋劉道者  
鑊鄣不在刻舟痕

殘麥從渠官奪之  
山僧何用怨長饑  
人間六月紅塵裏

無此玉龍千丈飛

二蘇屐齒尚班日憔悴涪翁竄逐還卧虎跳龍遺筆墨  
祇今精悍滿江山

清虛堂裏話襟期友似蘇黃從可知墨寶惜無人愛護  
漫令遶寺覓殘碑

曉晴度青城繩橋二絕句

大阜江頭寒雨歇蠶崖關外數峯明丹青誰會開平遠  
著我繩橋度曉晴

怒濤噴雪戰魚龍  
架筏成橋裊半空  
世路險夷那不有  
此心安處本來同

汲惠山泉烹日鑄

小艇衝風過惠山  
石螭引脰竹漪連  
白頭未了紅塵債

再酌人間第二泉

辛未冬嘗  
經行酌泉

瓦甌挹注溢微澗  
仙掌兩分瑞露溥  
自候燎爐烹日鑄  
杜陵肺渴耐甘寒

泛雪溪

早暎連旬塘水渾移舟來泛雪溪雲溪邊釣隱如無恙  
那不啞人骨俗氛

白蘋波動柳塘風散漫芙蓉稱意紅午夢驚回船轉柁  
買魚前港一樽同

龍洞閣

崢嶸罅石蛟潭闕偏仄懸崖閣棧危橫目不虞雙足躓  
子長心事未忘奇

文耀閣

李鍊師即中天臺之側開窻面東余為摘顏  
魯公麻壇碑中語扁為文耀閣併題兩絕句  
中天臺畔敞東軒滄海桑田且勿論欲問飛仙參要訣  
晨興來就日華吞

宴罷瑤池趣駕歸海風飄冷六銖衣霞舒霧捲知何處  
五色毫端借發揮

墨妙堂

斷石殘碑聚一堂螭螭鳳舞費平章顏蘓喜得初平侶

名節知無愧范滂

墨妙堂使君新命工摹刻山谷所書孟博傳于顏蕪帖之右

洪城沈運幹新園三首

花壓牆頭柳映門紅城一曲沈家園  
意行自與春風約  
休問新亭賣酒喧

栢梢結翠鬪尖新未問花枝插寶瓶  
最好狡狴對雛鳳  
向人翔躍似天成

方池面矗石叢叢後掩前遮一徑通  
蒼蘚修筠加愛護  
等閒幻出小玲瓏

伯謙招飲龍潭攀桂亭

碧潭四繞水仙墳老桂團團蔭綠尊拚與故人償一醉  
梅花吹夢過前村

宿金山院

犯暑驅車潑面塵招提暝色喚休程竹風滿院涼無價  
最好移床就月明

繼榮上人求無本庵頌

自性元來一法無更於何處著工夫橫擔拄杖長安去

才出門時盡坦途

為滄江虞使君賦客室三首

丈室縱橫獅子坐仙裾雜遝葉珠宮世人莫笑渠荒幻  
且驗靈臺一點中

四達皇皇一廣居此中妙用絕方隅客來請問名齋意  
拈與床頭太極圖

屋下何妨架屋重規模不與俗人同君看萬象森羅處  
豈有纖毫礙太空



次韻感懷

稱意人生不待多，誅茅只愛傍滄波。  
萬間方丈均容膝，苦志疲形能幾何。

四海堂堂范與蘇，斯文價重百車渠。  
穎昌舊第歸無日，且向暮津穩僦居。

雨淫蕭艾掩嘉蔬，况敢堆盤薦腹腴。  
借問素餐顏有忸，河邊寧作鮑生枯。

盛時饑渴佇嘉謀，慮遠何難彌近憂。  
搔首風塵彌北望。

馳心江漢入東流

綠水油油記插秧轉頭風露稻花香秋來田井熙春晝

畫手難為顧長康

立冬節齋宿竹宮悼姚高士

高士卒之先一日  
為菊澗葬賦小絕

用其  
韻

竹宮冬孟嚴齋祀深炷爐香跋燭花凋盡庭梧風撼撼  
幽思也到羽人家

燕坐心源如止水餘工吟筆爛生花誰知此老真三昧

孔老瞿曇共一家

金鯽魚猶涵藻澗玉麝香未破梅花人生轉眼皆泡幻  
勘破須饒老作家

把茅未就橐懸罄奎畫飛來天雨花欲識高人歸宿處  
佩霞長侍玉皇家

認取太虛無一物本無幻翳况空花桃椎思邈還知否  
佳傳寧無良史家

題宋器之煙波圖

萬頃煙波一釣翁  
玄真心事偶相同  
平生我亦輕軒冕  
分取苔溪半席風

題詩卷

嚼雪哦詩格外清  
誰令失脚入紅塵  
錦囊二十篇中景  
長與西山面目親

嘲清德堂前紫薇花仍代答

襞積仙裾耀紫霞  
西清兩月擅芳華  
託身塵土寧非誤  
何不西垣侍判花

文章不辨演絲綸失脚塵勞勿更論  
茵壤飛花適然耳  
一觴聊復伴黃昏

寒食上巳雜吟八章

一百五日風雨過二十七種鮭菜慳  
三年客裏作寒食  
得似今年身暫閒

手劚蒿萊三畝園紅雲一片小桃源  
無端風雨連宵惡  
檢校殘英有幾存

碧桃花底小寒輕綽約仙姿格外清  
錦繡卷還春去了

藍橋風露放雲英

春寒十日意無憀酒竭從教壁掛瓢  
新火暖開晴色快疾風吹盡積陰銷

渺渺江村一掌平春風何處不堪行  
誰知方外有司馬更合江東稱步兵

新栽楊柳舞風弱老去海棠烘日殘  
且問筍根新茁幾護持留作釣魚竿

雪糝醱醱壓樹香松花蔌蔌墮輕黃  
牛岡西路歸來晚

時有烏鳶舞夕陽

萬里弓旌喧特招無能分  
合侶漁樵論心幸有西隣老  
拄杖敲門話寂寥

季夏郊墅即事

晶晶飛雲挾暑驕江郊幸可遠  
煩囂道人方寸虛生白  
燕几風清扇罷搖

碧琅玕繞碧梧桐面面軒  
窻面面風剽著圖書圍几席  
何妨門徑擁蒿蓬

小築新成面勢寬探囊羞澁一錢看也知歲晚須棲宿  
敢向明時詠考槃

手鋤荒梗藝瑤華敢覬諸公借齒牙通塞非人能計度  
貞心祇自保修姱

儒林冠冕國蒼黃髮同時二老歸

崔李二先生同名

出處古

今難一繫青天未可戴盆窺

午窻讀倦枕書眠起拆茶包手自煎大地衆生愁暍死  
清風一壑可能傳



自隨官牒却居閒樵叟漁童慣往還  
種竹且教疎見月  
開窗莫遣礙看山

性僻隣牆亦懶過  
日長何事可銷磨  
雲藍展向風櫺寫  
恨未疏池養白鵝

心閒萬籟響  
韻並古調何人細  
與評招手洪崖天  
萬里

謂洪中書  
佩霞愴怳會瑤京

力貧藏得五車書  
趁就炎歊曬壁魚  
安得身閒饒目力  
年年鉛槧課三餘

事業悠悠雪滿頭  
流光那會與人謀  
作勞輸與田間叟  
紫芋黃鷄滿意秋

怒雷送雨五更殘  
文石花藤探借寒  
腥穢百年須一洗  
五雲深處是長安

桂花

露香消渴桂花芳  
天氣偏饒八月涼  
不是窅窅分得種  
人間那得許清香

一秋無雨亦無風  
比似常年迥不同  
鼻觀了無分別想

道人結習本來空

雨花那得著衣裾  
遍界香分佛飯餘  
金粟如來元一點  
橫陳妙供儘從渠

書室以黃花園坐二絕句

枯禪不羨阿嬌屋  
靜俟寧須郭隗臺  
天憫羈貧大癡絕  
喚將金色界中來

給園光景無邊際  
趺坐西窻日落時  
欲識當時黃面老  
莫將色相等閒窺

丙子重陽觸事有賦得絕句七首

槃水平生謹自持，苦為痲病費醫治。  
一秋偏識端居味，餘事何妨讀杜詩。

策策窻前落葉乾，晚香空自傲霜寒。  
力貧未辦傾家釀，一酌親顏也自歡。

去年今日枕江樓，對酒談經夜不休。  
聞道黃花滿仙谷，莫教兒輩覺風流。

雅志求仁苦力難，知他隔許利名關。  
流光俛仰一彈指。

與世浮沉祇強顏

薄宦羈縻免落置西阡不到一年賒銷魂霜露增悽愴  
陟屺瞻思晚日斜

風雨連宵苦淚潛可憐半作冢纍然鍾情叔氏如酥酪  
歲晚相隨對榻眠

寂寞隨人藥市行可能金石盡知名飛仙未必真違世  
長使癡氓學衛生

重九前一日到家

霜日晶熒水尚肥順風一舸送將歸  
黃花笑我猶牽俗得似淵明勇拂衣

親友招呼鼎至簡以二絕句

勸客歸來住不多頗思散策日相過  
膠膠擾擾敗人意那得長閒共切磋

璀璨堆盤水陸珍自量薄福可能勝  
何如小摘春畦綠共話西園夜雨燈

慧明王道士贈蜜黃精

慧明道士別經年肘後飛金秘不傳崖蜜黃精分遺我  
水容或可覲飛仙

和家恭伯韻別曹揚休還涪陵五首

春風有客夢刀頭政好將軍侍太丘為惜交情留信宿  
無端檣燕聒離愁

精藍靖館手同携細與重論文暇時須信有方藏肘後  
可能無藥起支離

膠漆論心忽離羣柳邊踐蹠馬蹄塵清風朗月相思夜

依舊江山面目親

朶頤渠可換靈龜  
世事艱如整亂絲  
執手應須細商畧  
古來成敗幾枰棋

讀易巖前訪德人  
分明枯菌茁芽新  
趨庭領會傳心法  
一笑陳編萬古春

嶺雪融春水漲溪  
留連尊酒話精微  
藍田膝上還相憶  
半偈何當問指歸

晚晴登樓和叔存姪



日澹霜明雨意慳  
楓林稻隴褰  
衣斑小樓觸目秋容好  
得似蕭晨起看山

放浪煙霞我亦曾  
誤憑宵夢繞  
觚稜眼明一片蠶崖雪  
便擬搢筇最上層

再疊前韻

一秋吟思奈天慳  
醉面無因點  
纈斑袞袞簿書成底事  
朝來爽氣在西山

錐刀較計我何曾  
商畧人生且  
摸稜九萬里風鵬背濶

倚欄不隔碧霄層

又雨霽登樓

雨霽憑欄物色佳  
鬢鬢疊嶂斂烟霾  
羈愁要著誰陶寫  
且把昏眊為一措

晚日

西崦落照暈金鉦  
斂退癡雲作嫩晴  
忽忽暝烟行十里  
前頭燈火是鷓城

五月十九日夜雨

三日炎歊不可當一宵風雨夜微涼  
羣龍莫吝為霖手  
且與乾坤洗戰場

三溪陰雨青山一峯穹秀可愛

山色溪流共蔚藍此中有句為誰參  
老蛟噴霧舒還斂  
依舊攬空碧玉簪

上朝天坡

舊遊幕府無餘俸載得雲根幾片歸  
愛此欽崙蒼玉質  
剝判莎屨滑煙飛

過茶坡栗坡回望平川杳靄

上到茶坡又栗坡  
疲筇倚倦碧差我  
那知一片煙雲澹  
望眼偏於此處多

和眉山楊清父龍淵小舫四絕句

誰能投筆規萬戶  
但可短篷稱散人  
偏側世途何處避  
千金難買是閒身

嬋娟倚市為誰好  
膏火置身空自煎  
何似濯纓歌一曲  
秋江淼淼碧如天

題西林寺

覲面江千千尺像一州勝處說西林  
雪濤欲驗青衣漲  
步轉雲堂向後尋

小圃茅亭初成即事十絕句

手劚西牆擇地偏  
踈篁慣與養風煙  
鋤荒當得經綸否  
聊作仙曹小有天

一時花木斬新栽  
露萼煙苞逐漸開  
好事人人能愛惜  
莫教容易擁蒿萊

自序  
卷十二  
一  
小築分明是隱淪何妨隨分樂青春諸君莫笑茅茨陋  
野意蕭疎更覺真

詩情不慣吏塵囂心事偏耽野趣幽縱使酒尊空北海  
客來一笑也風流

海棠數點漸嬌春匝地何時簇錦茵不耐汲泉勞日課  
夜來一雨陡精神

未能手劔血長鯨只合瓜田老邵平斗粟驅人成底事  
漫將吟嘯寄高情

鑿池取月未傷廉何必蓮峯詫藕船少待清渠通綠溜  
醉歌綠幘鑑明燭

北風眯目漲煙塵寒勒花容也自顰袖手何能供草檄  
等閒題遍錦江春

五百風光巧作寒晚春未可試衣單只應殺氣迷關棧  
便覺人情有兩般

醉裏眉攢萬國愁杜陵聊復傲滄洲扶持何代無人物  
魚鳥飛沉得自由

除夕和唐人張繼張祐卽事四絕句

六花集瑞九重天  
禁漏催朝夜不眠  
流落那知新歷換  
楓橋寺外看漁船

經世無才慕管蕭  
風塵搔首故鄉遙  
瘦藤忽夢尋梅去  
裊裊寒溪獨木橋

一笑升沉休問天  
贊房贏得日高眠  
五湖浪透門前港  
何不乘風穩放船

一簪華髮雪蕭蕭  
流景星馳道轉遙  
撥倦寒爐雞唱曉



春風攜手趙州橋



